

Edición Special Himno y Bandera

JUAN ENRIQUE IRAUSQUIN: Motor di economia Arubiano y Tata di nos industria turistico

EL A SCIRBI HISTORIA,
CREA E ARUBA NOBO
CU RIBA TERENO ECO-
NOMICO, SOCIAL
EDUCATIVO NOS
CONOCE TE AWE - SAL-
BANDO PUEBLO DI
ARUBA FOR DI DECADA
50/60 PA E MOMENTO CU
LAGO SERA SU POR-
TANAN CUAL A BIRA
1984.
SU VISION Y SU TRA-
BAO A SALBA NOS
ISLA.....! A DUNA HOPI
OPORTUNIDAD CU
ANTES NUNCA NAN
TABATA TIN. ESEY TA
AMOR PATRIOTICO.!

Juan Enrique Irausquin a
nace na Aruba, dia 3 di

December 1904. Despues di
lagere school na Aruba el a
bai Corsow na unda el a
sigui diferente curso den
educacion commercial y
tambe den accounting,
money and banking.
Na edad di 14 ana el a drenta
servicio di Hollandsche
Bank y den un tempo relati-
vamente cortico a jega te na
procuratiehouder.
Impulsa pa un ambicion di
superacion, sr. Irausquin na
1929 a tuma retiro for di
Hollandsche Bank y a
drenta servicio di firma John
Gerard Eman, cu durante
algun tempo tabata haci
negoshi bancario.

Na 1936 e firma John
Gerard Eman den coopera-
cion cu Maduro & Curiels



Bank NV a dicidi di funda e
prome Banco Arubano, esta
Aruba Bank NV.

Juancho, manera popular-
mente tabata worde jama, a
bira su Director.

Posicion cu el a ocupa te na
1951. Sr. Irausquin tabata
activo riba hopi tereno.

E tabata presidente di
Camara di Comercio, di
Comision di Turismo y
miembro di hopi commis-
sion economico, co-fun-
dador di Rotary Club y
Home Building Foundation
na Aruba.

Na 1974 el a bira miembro
di Staten y despues a sali re-

elegi den tur eleccion na
cual el a tuma parti.

Varios biaha el a worde
nombra presidente di Staten
den reconocimiento pa su
capacidadnan parlamen-
tario. For di ana 1948
Juancho a participa na tur
conferencia importante
tocante autonomia pa
Antillas Neerlandes, manera
Ronde Tafel Conferentie y e
asina jama Klein
Commissie.

Na 1949 Juan Enrique
Irausquin a funda Partido
Patriotico Arubano (PPA).
Den e promer eleccion pa
Eilandsraad na Aruba,
Juancho a sali elegi, kedando
miembro di e raad aki pa
varios ana.
Su partido a keda den oposi-
cion te na ana 1954.

Dia 1 di april 1956 Juan
Enrique Irausquin a worde
nombra ministro di Finanzas
y Fomento, puesto impor-
tante cu el a keda ocupa te
na su morto riba 20 di juni
1962.

Den reconocimiento pa su
hopi meritonan riba tereno
politico, economico y social.
Su Mahestad La Reina
Juliana a hana bon di nom-
bre Officier den Orde di
Oranje Nassau.

Aruba y Antillas Neerlandes
en general a honra memoria
di e ilustre Arubano inaugu-
rando un estatua riba e
pleintji dilanti Postkantoor y
honando e cu su number
"Juan Enrique
Irausquinplein".

Gobierno di Aruba a duna e
caya cual el a construi y
tabata e infraestructura nece-
sario pa e construccion di
Hotelnan su number na
1992, Juancho Yrausquin
boulevard.

Vliegvelde di Saba y un caya
riba St. Maarten tambe ta
carga su number como
reconosimento di su con-
tribucion na nan desaroyo y
progreso. Servicio Postal di
Aruba riba 1 di januari 1995
a sa di hora su memoria cu
un stampia special na balor

di 100 cent.

Relaciona cu e celebracion
cu nos dia di Hymno y
Bandera 2004, directiva di
partido PPA ta hana cu algun
palabra y reflexion mester
worde dedica ne gran
homer aki pa su contribuic-
cion grandi na nos pais
Aruba no ta por nada esnan
cu ta consciente di con gran-
di su trabao berdaderamente
tabata ta jama e gran figura
Arubano, motor di nos
economia y Tata di nos tur-
ismo arubano.

Nos directiva kier accentua
cu e motibunan di Juan E.
Irausquin q.e.p.d. pa funda
PPA tabata hustamente e
principionan sagrado di un
Arubano cu ta stima su isla y
no a desea pa esaki bai mas
profundo den colonialismo
cu ya caba e tabata meti.

Historia ta dicta cu na
momento cu tabata tin cu
kier a humilia Aruba, cu car-
acter el a sali na defensa di
su isla y a propina nan un
golpi.

Su number, labor, actitud,
caracter, su sentimentonan
pa problemanan di e ser
humano den comunidad, tur
esaki y mucho mas a hibe
den tur skina di Aruba.

Pesey celebrando nos dia di
nacional di pais Aruba, nos
ta recorda e figura grandi
aki cu a scirbi historia y cual
su trabaonan te awe aruba ta
cosechando di djele.

Pabien na henter nos pueblo
cu celebracion di nos dia
nacional, dia di Hymno y
Bandera. Cu nos tur stima
nos isla cu sentimentonan
PATRIOTICO cu e gran
figura arubiano sr. Juan E.
Yrausquin a stima su isla.

E raisnan cu el a planta riba
tur tereno cu el a move ta
laga sinti su amor, su dedi-
cacion, su contribucion na
e futuro di nos isla.

Aruba, 18 di maart 2004
Lider Politico di PPA
BENNY NISBET